

अ॒ति॒ह॒न्दा ह॒ वै ता॒म॒ति॒ह॒न्दा इ॒त्या॒चक्ष॑ते प॒रोऽन्नं॑ प॒रोऽक्ष॑कामा हि दे॒वाः
 ॥ १३ ॥ यो॒निः पु॒रीष॑वती । ते स॒ऽस्पृष्टेऽ॒प॒दधा॑ति स॒ऽस्पृष्टे॒ ह्यु॒दरं॑ च यो॒निश्च
 पु॒रीष॑स॒ऽहिते॑ भवतो मा॒ऽसं वै पु॒रीषं॑ मा॒ऽसेन॑ वाऽउ॒दरं॑ च यो॒निश्च स॒ऽहिते॑
 पूर्वा॒ति॒ह॒न्दा भ॒वत्य॒परा पु॒रीष॑वत्युत्तर॒ऽह्यु॒दर॑म॒धरा यो॒निः ॥ १४ ॥ ते प्रा॒च्याऽ॒उ॒
 प॒दधा॑ति । प्रा॒ङ् ह्येषोऽग्नि॑श्चीयतेऽथो प्रा॒ग्वै प्रा॒च उ॒दरं॑ प्रा॒ची यो॒निर्ब॒हिस्तोम॑
 भा॒गऽ हृ॒दयं॑ वै स्तो॒मभा॒गा हृ॒दय॑मु वाऽउ॒त्तम॑मथो॒दर॑मथ यो॒निः ॥ १५ ॥ ते दक्षि॑
 णा॒तः स्वय॑मातृ॒ष्णायाऽ॒प॒दधा॑ति । अथ प्रथ॑मायां चि॒ताऽउ॒त्तर॑तः स्वय॑मातृ॒ष्णाया
 ऽउ॒दरं॑ च यो॒निं चो॒प॒दधा॑ति यो वाऽअ॒यं म॒ध्ये प्रा॒णस्त॑दे॒षा स्वय॑मातृ॒ष्णैत॑स्य त
 त्प्रा॒णस्यो॒भय॑त उ॒दरं॑ च यो॒निं च द॑धाति तस्मा॒देत॑स्य प्रा॒णस्यो॒भय॑त उ॒दरं॑ च यो॒
 निश्च ॥ १६ ॥ प्रति॑ष्ठा द्वि॒पदाः । ता यद्वि॒पदा भ॑वन्ति द्व॒न्द्वऽ हि प्रति॑ष्ठा तिस्रो
 भवन्ति त्रि॒वृद्धि॑ प्रति॑ष्ठा पश्चा॒दु॒प॒दधा॑ति पश्चा॒द्द्वीयं॑ प्रति॑ष्ठा ॥ १७ ॥ सोऽस्यैष सु॒
 कृत॑ आ॒त्मा । तद्य॑स्य ह॒ैतमे॒वऽ सु॒कृत॑मा॒त्मानं॑ कुर्व॒त्येत॑ ह॒ स सु॒कृत॑मा॒त्मान
 म॒भिस॑म्भवत्यथ यस्य ह॒ैतम॒तोऽन्य॑था कुर्वन्ति दुष्कृत॑ ह॒ तस्या॒त्मानं॑ कुर्वन्ति स
 ह॒ स दुष्कृत॑मे॒वात्मा॒नम॒भिस॑म्भवति ॥ १८ ॥ तदे॒ते सा॒मनि॑धनेऽ॒भ्युक्ते । अ॒र्की
 दे॒वानां॑ प॒रमे॒ व्योम॑न्न॒र्कस्य॑ दे॒वाः प॒रमे॒ व्योम॑न्नित्येत॒द्वै दे॒वानां॑ वि॒शतां॑ प्रजा॒प॒
 ति॒रु॒त्तमोऽवि॑शत्तस्मादा॒र्का दे॒वानां॑ प॒रमे॒ व्योम॑न्नित्यथ यदा॒र्कास्य॑ दे॒वाः प॒
 रमे॒ व्योम॑न्नित्ययं वाऽअ॒ग्नि॒र्कस्त॑स्यैत॒दु॒त्तमा॑यां चि॒तौ स॒र्वे दे॒वा वि॑ष्टास्तस्मादा॒
 र्कास्य॑ दे॒वाः प॒रमे॒ व्योम॑न्निति ॥ १९ ॥ ब्रा॒ह्मण॑म् ॥ ७ [६. २.] ॥ तृ॒तीयः प्र॒पा॒
 ठकः ॥ क॒ण्डिका॑संख्या १०८ ॥ ॥

गा॒र्हप॑त्यमुप॒दधा॑ति । एत॒द्वै दे॒वाः प्रा॒प्य रा॒द्वेवा॑मन्यन्त तेऽब्रु॒वन्के॒नेद॑म॒रात्स्मे॒
 ति गा॒र्हप॑त्येनैवेत्यब्रु॒वन्गा॒र्हप॑त्यं वै चि॒त्वा सा॒मारु॑ह्य प्रथ॑मां चि॒तिम॑प॒श्याम॑ प्रथ॒
 मा॒यै द्वि॒तीयां॑ द्वि॒तीया॑यै तृ॒तीयां॑ तृ॒तीया॑यै चतु॒र्थीं चतु॒र्थ्यै प॑ञ्चमीं प॑ञ्चम्या इ॒दमि॑ति